

**Seljord kommune**

Arkiv: 033  
Saksnr.: 2019/82-8  
Sakshand.: Egil Birkrem  
Direkte tlf.: 35065163  
Dato: 26.08.2019

**Saksframlegg**

Utval	Utvalssak	Møtedato
Kommunestyret		05.09.2019

**Forvaltningsrevisjonsrapport - Renovasjon/slambehandling og feiing/tilsyn - Seljord kommune****Saksdokument:**

## Vedlegg:

- 1 Saksutskrift - Forvaltningsrevisjonsrapport – Renovasjon og feiing – Seljord kommune
- 2 Rapport 750 018 Renovasjon og feiing

**Saksutgreiing:****Bakgrunn for saka:**

Kontrollutvalet i Vinje kommune tok i møte 7. mai 2018 initiativet til ein forvaltningsrevisjon/selskapskontroll med fleire ulike problemstillingar rundt handtering av sjølvkost. Det var særleg fokus på avfallsområdet. Kontrollutvala i dei andre kommunane som er eigrarar av Renovest IKS blei inviterte til å vere med på revisjonen.

Forvaltningsrevisjonen er bestilt av kontrollutvalet i Seljord kommune i sak 19/18. Følgande vedtak vart fatta:

*Kontrollutvalet i Seljord kommune bestiller forvaltningsrevisjon/selskapskontroll av renovasjonstenester og feiing frå Telemark kommunerevisjon IKS.*

*Kontrollutvalet godkjenner prosjektplan og eit samla pristilbod for ein forvaltningsrevisjon/selskapskontroll av renovasjonstenester og feiing med ein samla pris på kr. 170 000,-.*

*Kontrollutvalet ønskjer følgjande kostnadsfordeling: 50% av fellestema delt flatt + 50% av fellestema delt etter relativ eigardel i Renovest.*

## **Saksopplysning:**

Heimel for forvaltningsrevisjon i kommunen er gitt i kommunelova § 77 nr. 4, jamfør forskrift om kontrollutval kapittel 5 og forskrift om revisjon kapitel 3. Heimel for forvaltningsrevisjon i selskap og rett til innsyn i selskap følger av kontrollutvals-forskrifta kapittel 6 og kommunelova § 80.

Rapporten frå forvaltningsrevisjonen om Renovasjon og feiing som ble gjennomført av Telemark kommunerevisjon IKS, er ferdig og klar for handsaming i kontrollutvalet.

### Revisjonen har undersøkt følgande problemstillingar:

- Er forskrift for innsamling og handsaming av hushaldsavfall mv. for Fyresdal, Kviteseid, Seljord, Tokke og Vinje i tråd med heimelsgrunnlaget?
- I kva grad følger Renovest IKS reglane om sjølvkost og er fordelinga av renovasjonskostnadene mellom kommunane i tråd med gjeldande krav?
- Er forskrift om feiing og tilsyn med fyringsanlegg, samt regulering av feiegebyr for kommunane Fyresdal, Kviteseid, Seljord, Tokke og Vinje i tråd med heimelsgrunnlaget?

### Revisjonskriterier

Revisjonskriteria i denne forvaltningsrevisjonen er mellom anna henta frå forureiningslova og brann- og eksplosjonsvernlova med tilhøyrande forskrifter. Vidare er retningsliner og rettleiar på sjølvkostområdet nytta.

### Funn og anbefalingar:

Forskrift for innsamling og handsaming av hushaldsavfall mv. er i hovudsak i tråd med heimelsgrunnlaget. Det er ein intensjon i regelverket at avfallsgebyret for den einskilde så langt som mogleg skal spegle det det kostar å gi tenesta til den enkelte eigedom. Kommunane har likevel høve til å bestemme at det skal vere lik pris for alle eigdomskategoriar.

På to punkt er Forskrifta er ikkje i samsvar med heimelsgrunnlaget. Kommunane har ikkje høve til å gi Renovest IKS heimel til å endre forskrifta, og det er ikkje høve til å differensiere prisane ut frå sosiale omsyn eller formål. Gratis ekstra sekk for bleietrengande skal ikkje finansierast av avfallsgebyra, og er såleis ikkje i samsvar med heimelsgrunnlaget.

Etter revisjonens vurdering følger Renovest IKS i hovudsak reglane om sjølvkost, men selskapet sin praksis med sjølvkostfond er ikkje i tråd med regelverket. Handtering av fond bør så langt det er praktisk mogleg bli tilpassa regelverket. Selskapet bør og gjere eit skilje i rekneskapen mellom kostnader og inntekter som gjeld handtering av slam frå bustader og slam frå reinseanlegg i kommunane.

Fordelinga av kostnadene mellom kommunane er etter revisors vurdering i tråd med regelverket.

Forskrift om feiing og tilsyn med fyringsanlegg m.mv. er i hovudsak i tråd med heimelsgrunnlaget, med nokre unntak. Kommunane har ikkje høve til å gi Brannvernsamarbeidet i Vest-Telemark IKS heimel til å endre forskrifta. Det er heller ikkje heimel til å gjere generelt unntak for fritidsbustader på grunn av avstand frå bilveg og det er ikkje høve til å krevje gebyr for byggverk som ikkje har eldstad.

Med bakgrunn i funna anbefaler revisjonen at kommunane sørger for:

- at forskrift for innsamling og handsaming av hushaldsavfall mv. for Fyresdal, Kviteseid, Seljord, Tokke og Vinje er i tråd med heimelsgrunnlaget.
- at handsaming av sjølvkostfond i Renovest IKS så langt det er praktisk mogleg blir handsama i samsvar med reglane om sjølvkost.

- at Renovest IKS gjer eit tydeleg rekneskapsmessig skile mellom handtering av slam frå bustader og slam frå reinseanlegga i kommunane.
- at lokale forskrifter om feiing og tilsyn med fyringsanlegg, samt regulering av feiegebyr for kommunane Fyresdal, Kviteseid, Seljord, Tokke og Vinje er i tråd med heimelsgrunnlaget.
- at vedtaka i kommunestyra vedr. handsaminga av forvaltningsrevisjonsrapport 433 006 *Brannvern-samarbeidet i Vest-Telemark IKS – sjølvkost på feietenester* blir følgt opp.

#### Høyring:

Utkast til rapport vart sendt på høyring til Renovest IKS, Brannvernsamarbeidet i Vest-Telemark IKS og rådmennene i kommunane 4. mars 2019. Revisjonen har fått høyringssvar frå Renovest IKS, Brannvernsamarbeidet i Vest-Telemark IKS og Vinje kommune. Tokke kommune har i e-post sagt at dei ikkje har kommentarar til rapporten. Revisjonen har ikkje mottatt høyringssvar frå Fyresdal, Kviteseid og Seljord.

Rapporten blei lagt fram for kontrollutvala i Seljord, Fyresdal, Tokke, Vinje og Kviteseid kommunar i fellesmøte 2.4.19 på Vrådal hotell.

#### Vurdering frå sekretariatet:

Sekretariatet finn at rapporten svarar ut bestillinga frå kontrollutvala. Sekretariatet la fram anbefalingane frå rapporten som forslag til vedtak.

### **Handsaming i kontrollutval – 02.04.2019**

#### **Møtehandsaming**

Telemark kommunerevisjon v/Dag Oftung la fram rapporten for kontrollutvala i Seljord, Fyresdal, Tokke, Vinje og Kviteseid i fellesskap.

Utvalsmedlemmene fekk svar på spørsmål om rapporten.

Kontrollutvalet satt fram følgande forslag om tillegg til vedtak:

- at vedtak fatta i kommunestyret som omhandlar kommunalt eigde selskap formidlast direkte til styreleiar i selskapa, og at vedtak gjort i kommunalt eigde selskap formidlast til kommunestyret.

Kommunestyret ber om at rådmannen og styreleiar i Renovest IKS og Vest-Telemark Brannvernssamarbeid IKS gir kontrollutvalet ei skriftleg attendemelding om korleis vedtaket er følgt opp innan august 2019

#### **Votering**

Samrøystes for forslag til vedtak med tillegg.

#### **Vedtak**

Seljord kontrollutval tek Selskapskontrollrapporten «Renovasjon og feiing» til vitande.

#### **Tilråding til kommunestyret:**

Kommunestyret tek selskapskontrollrapporten «Renovasjon og feiing» til vitande og ber rådmannen sørge for at:

- at forskrift for innsamling og handsaming av hushaldsavfall mv. for Fyresdal, Kviteseid, Seljord, Tokke og Vinje blir i tråd med heimelsgrunnlaget.
- at sjølvkostfond i Renovest IKS så langt det er praktisk mogleg blir handsama i samsvar med reglaneom sjølvkost.
- at Renovest IKS gjer eit tydeleg rekneskapsmessig skilje mellom handtering av slam frå bustader og slam frå reinseanlegga i kommunane.

- at lokale forskrifter om feiing og tilsyn med fyringsanlegg, samt regulering av feiegebyr for kommunane Fyresdal, Kviteseid, Seljord, Tokke og Vinje blir i tråd med heimelsgrunnlaget.
- at vedtak fatta i kommunestyret som omhandlar kommunalt eigde selskap formidlast direkte til styreleiar i selskapa, og at vedtak gjort i kommunalt eigde selskap formidlast til kommunestyret.

Kommunestyret ber om at rådmannen og styreleiar i Renovest IKS og Vest-Telemark Brannvernssamarbeid IKS gir kontrollutvalet ei skriftleg attendemelding om korleis vedtaket er følgt opp innan august 2019

### **Rådmannen sine vurderingar:**

I kontrollutvalets sitt møte den 02.04.19 vart det i sakshandsaming og i tilråding til kommunestyret bedt om at rådmannen og styreleiar i Renovest IKS og Vest-Telemark Brannvernssamarbeid IKS gir kontrollutvalet ei skriftleg attendemelding om korleis vedtaket er følgt opp innan august 2019. Dette er ikkje utført og fristen endras til i løpet av oktober 2019.  
Rådmannen har ingen andre merknadar.

### **Rådmannen si tilråding:**

Rådmanne tilrår at Kommunestyre gjer fylgjande vedtak:

Kommunestyre tek selskapskontrollrapporten «Renovasjon og feiing» til vitande og ber rådmannen sørge for at:

- at forskrift for innsamling og handsaming av hushaldsavfall mv. for Fyresdal, Kviteseid, Seljord, Tokke og Vinje blir i tråd med heimelsgrunnlaget.
- at sjølvkostfond i Renovest IKS så langt det er praktisk mogleg blir handsama i samsvar med reglane om sjølvkost.
- at Renovest IKS gjer eit tydeleg rekneskapsmessig skilje mellom handtering av slam frå bustader og slam frå reinseanlegga i kommunane.
- at lokale forskrifter om feiing og tilsyn med fyringsanlegg, samt regulering av feiegebyr for kommunane Fyresdal, Kviteseid, Seljord, Tokke og Vinje blir i tråd med heimelsgrunnlaget.
- at vedtak fatta i kommunestyret som omhandlar kommunalt eigde selskap formidlast direkte til styreleiar i selskapa, og at vedtak gjort i kommunalt eigde selskap formidlast til kommunestyret.
- Kommunestyret ber om at rådmannen og styreleiar i Renovest IKS og Vest-Telemark Brannvernssamarbeid IKS gir kontrollutvalet ei skriftleg attendemelding om korleis vedtaket er følgt opp innan oktober 2019.

Utskrift til: